



AKCIJE SIPA u Sarajevu i tuzlanskoj regiji uhapsila više osoba

Zbog carinskih prevara pao i menadžer Husarić

Pretrazeni objekti u vlasništvu Husarića u Srebreniku • Svi uhapšeni sumnjiče se za nezakonit uvoz tekstila iz inozemstva na područje BiH

Više stotina pripadnika **Državne agencije za istrage i zaštitu (SIPA)** po nalogu i uz koordinaciju državnih tužilaca pretreslo je jučer više lokacija u Sarajevu, Brčkom i tuzlanskoj regiji i uhapsilo veći broj osoba koje se sumnjiče za carinske i porezne prevare, saopćeno je iz Tužilaštva BiH.

Velika šteta

Radi se o akcijama kodnih naziva "Master" i "Truck", a pomoć **SIPA-i** pružali su pripadnici Granične policije i Uprave za indirektno oporezivanje BiH.

Prema navodima Tužilaštva, procjenjuje se da je budžetu BiH nanosena šteta u višemilionskim iznosima, a uhapšeni se sumnjiče za nezakonit uvoz tekstila u BiH.

- Prikupljeni su dokazi da su osumnjičeni kaznena djela činili kontinuirano oko tri

godine, a da je iznos utajenih poreznih i carinskih dažbina po jednom kamionu dostizao iznose od nekoliko desetina hiljada KM - rekli su iz Tužilaštva BiH.

Imovina advokata

Nezvanično saznajemo da je u akciji **SIPA-e** u Srebreniku uhapšen kontroverzni nogometni menadžer Admir Husarić, koji je lišen slobode u svom stanu u zgradi Tinjanka.

Pripadnici **SIPA-e** pretresli su i objekte koji su u njegovom vlasništvu. Osim njega, **SIPA** je pretresla i objekte advokata Hajrudina Škahića u Srebreniku, potom Nusreta Mustabašića, Miloša Jakovljevića u Banjoj Luci te Ferhata Peštašića zvanog Pero.

No, nema zvanične potvrde da su ove osobe uhapšene. **M.A.š.**



Husarić: Među osumnjičenima

Veza sa Sedinetom Karićem

Uhapšene osobe dovode se u vezu sa Sedinetom Sidom Karićem, koji je hapšen i optuživan više puta za

šverc tekstila. Njemu se sudi u predmetu „Pandora“ skupa s Kemalom Čauševićem i Anesom Sadikovićem.



Pretrazi više objekata u Srebreniku (Foto: O. Mujkić)